

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-25084-1/12.
Zenica, 22.11.2012. godine

ZAPISNIK
sa 90. sjednice Vlade Zeničko-dobojskog kantona
održane 22.11.2012. godine

Sjednica je održana u sali 109, prvi sprat u zgradi Kantona, dana 22.11.2012. godine sa početkom u 10⁰⁰ sati.

Sjednici je predsjedavao Fikret Plevljak, premijer Zeničko-dobojskog kantona.

Sjednici su prisustvovali članovi Vlade:

1. Džemil Ugarak, ministar Ministarstva za privredu,
2. Bojan Bošnjak, ministar Ministarstva za poljoprivredu, šumarstvo i vodoprivredu, opravdano je odsutan,
3. Romana Brkić, ministrica Ministarstva za pravosuđe i upravu,
4. Mirsad Isaković, ministar Ministarstva finansija,
5. Rifat Delić, ministar Ministarstva unutrašnjih poslova,
6. Ivica Ćurić, ministar Ministarstva za rad, socijalnu politiku i izbjeglice,
7. Mirko Trifunović, ministar Ministarstva za obrazovanje, nauku, kulturu i sport,
8. Senka Balorda, ministrica Ministarstva zdravstva, opravdano je odsutna,
9. Raif Seferović, ministar Ministarstva za prostorno uređenje, promet i komunikacije i zaštitu okolice,
10. Ekrem Tuka, ministar Ministarstva za boračka pitanja,

kao i:

1. Berjana Ačkar, sekretar Vlade,
2. Mirsad Kadić, sekretar Sekretarijata za zakonodavstvo,
3. Jasna Ahmetspahić, portparol,
4. Azra Dedić, zapisničar.

Premijer Zeničko-dobojskog kantona stavio je na diskusiju predloženi

DNEVNI RED:

1. Prijedlog Zaključka o prihvatanju Inicijative Općinskog pravobranilaštva Kakanj za donošenje Zakona o izmjeni i dopuni Zakona o porezu na promet nekretnina u skladu sa Mišljenjem Ministarstva finansija Zeničko-dobojskog kantona, broj: 07/02-02-22877-2/12 od 16.11.2012. godine;
2. Prijedlog Odluke o utvrđivanju visine osnovice za obračun plaće zaposlenika u kantonalnim organima državne službe i drugim budžetskim korisnicima Zeničko-dobojskog kantona za mjesec novembar 2012. godine;

3. Zaključak o utvrđivanju Plana novčanih tokova Budžeta Zeničko-dobojskog kantona za mjesec decembar 2012. godine;
4. Prijedlog Sporazuma o saradnji na poslovima evropskih integracija između Vlade Federacije Bosne i Hercegovine i Vlade Zeničko-dobojskog kantona, sa Prijedlogom Zaključka o davanju saglasnosti;
5. Prijedlog Zaključka o prihvatanju Mišljenja Ministarstva za pravosuđe i upravu, Ministarstva finansija i Kantonalne uprave civilne zaštite na Nacrt Zakona o izmjenama i dopunama Zakona o zaštiti od požara i vatrogastvu;
6. Prijedlog Zaključka o utvrđivanju upražnjene pozicije tri člana Nadzornog odbora u privrednom društvu „rmk promet“ d.d. Zenica, reguliranom tijelu Vlade Zeničko-dobojskog kantona-Ministarstva za privredu;
7. Prijedlog Zaključka o odobravanju sredstava Mirsadu Škapuroviću iz Zenice, 70% ratnom vojnom invalidu V grupe, u svrhu kupovine stana na ime stambenog zbrinjavanja;
8. Prijedlog Rješenja o davanju saglasnosti za imenovanje direktora Prve gimnazije u Zenici;
9. Prijedlog Rješenja o konačnom imenovanju članova Školskog odbora Osnovne muzičke škole Zenica;
10. Prijedlog Zaključka o odobravanju sredstava Nairi Jusufović iz Zenice za odbranu magistarskog rada;
11. Prijedlog Zaključka o odobravanju sredstava Nerminu Salkanoviću iz Zenice za odbranu magistarskog rada;
12. Prijedlog Zaključka o odobravanju sredstava Ismaru Begagiću iz Zenice za odbranu magistarskog rada;
13. Prijedlog Zaključka o odobravanju sredstava Suvaduu Kesiću iz Žepča za odbranu magistarskog rada;
14. Prijedlog Zaključka o odobravanju sredstava Belmi Softić iz Visokog za odbranu magistarskog rada;
15. Prijedlog Zaključka o odobravanju sredstava Krdžalić Ismaru iz Tešnja na ime finansijske pomoći za izdavanje prvog romana;
16. Prijedlog Zaključka o odobravanju sredstava Humanitarno-karitativnoj organizaciji franjevačke provincije Bosne Srebrene „Kruh svetog Ante“ iz Sarajeva na ime podrške u daljem karitativnom radu;
17. Prijedlog Zaključka o odobravanju sredstava Agenciji za intelektualne usluge „Neimar“ iz Visokog na ime otkupa primjeraka knjige „Izbavljenje od zablude“, profesora Hilme Neimarlije;
18. Prijedlog Zaključka o odobravanju sredstava Savezu društava/udruga pedagoga fizičke kulture Zeničko-dobojskog kantona iz Zenice na ime pomoći za organizaciju manifestacije „II sportske igre predškolaca – Dan državnosti Bosne i Hercegovine“;
19. Prijedlog Zaključka o odobravanju sredstava Srpskoj pravoslavnoj crkvenoj opštini i parohiji Zenica na ime pomoći prilikom organizovanja hramovne slave;
20. Prijedlog Zaključka o odobravanju sredstava Udruženju pčelara – poljoprivrednika “Željezni polje” iz Željeznog polja (Žepče), na ime pomoći za implementaciju projekata koje implementira agencija za međunarodnu saradnju i razvoj „Tika“ iz Turske;
21. Upoznavanje članova Vlade sa:
 - aktom Ministarstva za privredu broj: 04-14-23548-1/12 od 09.11.2012. godine kojim se daje izjašnjenje komisije vezano za stavljanje van stane Odluke o odobravanju sredstava regresa privrednom društvu „Vimes“ d.o.o. Visoko za 2012. godinu,
 - aktom Kantonalne uprave za inspeksijske poslove broj: 18/01-14-12973-3/12 od 07.11.2012. godine pod nazivom Izvještaj o izvršenju Budžeta za period I-IX/12,
 - aktom Biznis servis centra broj: 19-28-27058-32-3/10 od 09.11.2012. godine, čiji sastavni dio čini Zapisnik sa 8. sastanka Radne grupe za izradu Akcionih planova za strateško

planiranje, te vršenje monitoringa, evaluacije i izvještavanja o urađenim aktivnostima na harmonizaciji procesa strateškog planiranja,

- aktom Kantonalne uprave civilne zaštite broj: 16-44-22361-5/12 od 06.11.2012. godine, kojim se dostavljaju edukativne knjižice pod nazivom „Jeste li pripremljeni za veliki snijeg, hladnoću i poledicu“.

Članovi Vlade jednoglasno su usvojili predloženi dnevni red.

Prva tačka dnevnog reda

Vlada je jednoglasno donijela Zaključak kojim se prihvata Inicijativa Općinskog pravobranilaštva Kakanj za donošenje Zakona o izmjeni i dopuni Zakona o porezu na promet nekretnina, uz određene nomotehničke korekcije, u skladu sa Mišljenjem Ministarstva finansija Zeničko-dobojskog kantona, broj: 07/02-02-22877-2/12 od 16.11.2012. godine.

Inicijativa iz ovog Zaključka, uz Mišljenje Ministarstva finansija Zeničko-dobojskog kantona, upućuje se u dalju skupštinsku proceduru.

Druga tačka dnevnog reda

Vlada je jednoglasno donijela Odluku kojom se visina osnovice za obračun plaće (u daljem tekstu: osnovica) zaposlenika u kantonalnim organima državne službe i drugim budžetskim korisnicima Zeničko-dobojskog kantona za mjesec novembar 2012. godine, utvrđuje u iznosu od 432,00 KM (slovima: četrístotinetridedesetdvije konvertibilne marke), što uvećano za korektivni koeficijent od 1,05263, iznosi 454,73616 KM.

Osnovica iz ove odluke ne odnosi se na sudije, tužioce i stručne saradnike iz člana 4. Zakona o plaćama i drugim naknadama sudija i tužilaca u Federaciji Bosne i Hercegovine („Službene novine Federacije Bosne i Hercegovine“, broj 22/09).

Treća tačka dnevnog reda

Vlada je jednoglasno donijela Zaključak kojim se utvrđuje Plan novčanih tokova Budžeta Zeničko-dobojskog kantona za mjesec decembar 2012. godine, kako slijedi:

a) Mjesečni plan prihoda iz budžetskih sredstava Budžeta Zeničko-dobojskog kantona za mjesec decembar 2012. godine, utvrđuje se kao 1/12 prihoda, odnosno u iznosu od 19.665.469,00 KM,

b) Mjesečni plan rashoda iz budžetskih sredstava Budžeta Zeničko-dobojskog kantona za mjesec decembar 2012. godine utvrđuje se u iznosu od 18.334.620,00 KM, i to:

1. Plaće i naknade – 100% mjesečnog operativnog plana,
2. Materijalni troškovi – izdaci za energiju i komunalne usluge 100% mjesečnog operativnog plana, a ostali materijalni troškovi 90% mjesečnog operativnog plana,
3. Transferi sa strogo utvrđenom zakonskom obavezom u iznosu od 100% mjesečnog operativnog plana,
4. Ostali transferi koji nemaju strogo utvrđenu zakonsku obavezu u iznosu od 50% mjesečnog operativnog plana, izuzev: „Naknada za povrat više ili pogrešno uplaćenih sredstava“, „Tekućeg transfera za nabavku vakcina“, „Tekućeg transfera za deratizaciju“, „Tekućeg transfera za Franjevačku gimnaziju“ i „Tekućeg transfera za ustanove kulture“, u dijelu koji se odnosi na plaće i naknade, koji se utvrđuju u iznosu od 100% mjesečnog operativnog plana,
5. Kapitalna ulaganja – 50% mjesečnog operativnog plana,

6. Ostalo – izdaci za kamate i vanjske otplate u iznosu od 100% mjesečnog operativnog plana, a kreditno-garancijski fond i tekuća budžetska rezerva u iznosu od 0% mjesečnog operativnog plana,

c) Mjesečni plan prihoda i rashoda iz namjenskih, vlastitih i donatorskih sredstava utvrđuje se u visini njihovog ostvarenja,

d) Planirani višak budžetskih prihoda nad budžetskim rashodima za mjesec decembar 2012. godine iznosi 1.330.849,00KM i koristiće se u svrhu pokrivanja viška rashoda nad приходima.

Utvrđuje se ukupan nivo izvršenja mjesečnih operativnih planova iz budžetskih sredstava svih budžetskih korisnika za mjesec decembar 2012. godine u visini od 18.334.620,00 KM.

Budžetskim korisnicima nije dozvoljeno da stvaraju obaveze, odnosno rashode ili opterećenja budžetskih pozicija, ako ti rashodi ili opterećenja budžetskih pozicija nisu odobreni u okviru iznosa alociranog za tog konkretnog budžetskog korisnika.

Zadužuju se svi budžetski korisnici da u skladu sa gore navedenim, sačine pojedinačne operativne planove budžeta, odnosno izmjene i dopune pojedinačnih operativnih planova budžeta i dostave Ministarstvu finansija, te da iste poštuju prilikom stvaranja obaveza za period 01.01. do 31.12.2012. godine.

Zaključak stupa na snagu danom donošenja, a primjenjuje se za mjesec decembar 2012. godine.

Četvrta tačka dnevnog reda

Obrazloženje za ovu tačku dnevnog reda dala je Berjana Ačkar, sekretar Vlade.

Vlada je jednoglasno donijela Zaključak kojim se daje saglasnost na predloženi tekst Sporazuma o saradnji na poslovima evropskih integracija, između Vlade Federacije Bosne i Hercegovine i Vlade Zeničko-dobojskog kantona.

Peta tačka dnevnog reda

Obrazloženje za ovu tačku dnevnog reda dala je Berjana Ačkar, sekretar Vlade.

U diskusiji su učestvovali: Ministar Ministarstva za rad, socijalnu politiku i izbjeglice, Premijer Zeničko-dobojskog kantona, Ministar Ministarstva za prostorno uređenje, promet i komunikacije i zaštitu okoline, Ministar Ministarstva finansija, Ministar Ministarstva za privredu, Sekretar Sekretarijata za zakonodavstvo i Ministar Ministarstva za prostorno uređenje, promet i komunikacije i zaštitu okoline.

Vlada je jednoglasno donijela Zaključak kojim se prihvata Mišljenje Ministarstva finansija, Ministarstva za pravosuđe i upravu, Ministarstva za poljoprivredu, šumarstvo i vodoprivredu, Ministarstva unutrašnjih poslova i Kantonalne uprave civilne zaštite, dato na Nacrt Zakona o izmjenama i dopunama Zakona o zaštiti od požara i vatrogastvu.

Vlada Zeničko-dobojskog kantona, u skladu sa svojim realnim budžetskim sredstvima, posebno akcentira prijedlog da se u članu 23. stav 2. Nacrta Zakona o izmjenama i dopunama Zakona o zaštiti od požara i vatrogastvu, izmijeni i glasi:

„u budžetu kantona osiguravaju finansijska sredstva u maksimalnom iznosu do 0,1% od ukupnih prihoda budžeta za tekuću godinu“.

Zadužuje se Stručna služba Vlade da ovaj zaključak i Mišljenja dostavi Vladi Federacije Bosne i Hercegovine.

Šesta tačka dnevnog reda

Vlada je jednoglasno donijela Zaključak kojim Vlada Zeničko-dobojskog kantona utvrđuje upražnjene pozicije, tri člana Nadzornog odbora u privrednom društvu “rmk promet” d.d. Zenica,

reguliranom tijelu koje je u nadležnosti Vlade Zeničko-dobojskog kantona, odnosno Ministarstva za privredu Zeničko-dobojskog kantona, kao "odgovornog javnog službenika".

Utvrđuje se potreba raspisivanja Oglasa za upražnjene pozicije, navedene u tački I. ovog zaključka.

Oglas iz ovog zaključka bit će objavljen u "Službenim novinama Federacije Bosne i Hercegovine" i dnevnim novinama.

Za raspisivanje i objavljivanje Oglasa zadužuju se Ministarstvo za privredu i Služba za zajedničke poslove, svako u okviru svoje nadležnosti.

Za realizaciju ovog zaključka zadužuje se Komisija za izbore, imenovana Rješenjem ministra Ministarstva za privredu Zeničko-dobojskog kantona.

Sedma tačka dnevnog reda

Obrazloženje za ovu tačku dnevnog reda dao je Ekrem Tuka, ministar Ministarstva za boračka pitanja.

U diskusiji su učestvovali: Ministar Ministarstva za prostorno uređenje, promet i komunikacije i zaštitu okoline, rad i Ministar Ministarstva za boračka pitanja.

Vlada je jednoglasno donijela Zaključak kojim se odobravaju sredstva u iznosu od 15.000,00 KM (slovima: petnaest hiljada konvertibilnih maraka), Mirsadu (Omera) Škapuroviću iz Zenice, 70%-om ratnom vojnom invalidu V grupe, radi kupovine stana i trajnog stambenog zbrinjavanja.

Sredstva iz ovog Zaključka isplatit će se iz Budžeta Zeničko-dobojskog kantona za 2012.godinu sa razdjela 24, budžetska organizacija 01, potrošačka jedinica 0001, ekonomski kod 614200, subanalitika OAD 208 "Pomoć u rješavanju stambenog pitanja" Ministarstva za boračka pitanja.

Uplata sredstava bit će izvršena na račun Općine Zenica.

Služba za boračko-invalidsku zaštitu općine Zenica se obavezuje doznačena sredstva uplatiti na račun prodavca na osnovu Ugovora o kupoprodaji stana na osnovu Zakona o vraćanju, dodjeli i prodaji stanova („Sl.novine Federacije BiH“ broj:28/05), a izvještaj sa dokazima o namjenskom utrošku sredstava dostaviti Ministarstvu za boračka pitanja u roku od 15 dana od dana izvršene doznake sredstava na račun Općine.

Osma tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

U diskusiji su učestvovali: Ministar Ministarstva za prostorno uređenje, promet i komunikacije i zaštitu okoline, Ministar Ministarstva finansija, Premijer Zeničko-dobojskog kantona i Ministar Ministarstva za obrazovanje, nauku, kulturu i sport.

Vlada je jednoglasno donijela Zaključak kojim se daje saglasnost da se Ilijas Hodžić, profesor fizike, imenuje na dužnost direktora Prve gimnazije u Zenici, na vrijeme od četiri godine.

Deveta tačka dnevnog reda

Vlada je jednoglasno donijela Rješenje kojim se u Školski odbor Osnovne muzičke škole, Zenica, na period od četiri godine, imenuju:

- Bajrami Adnana, - član iz reda nastavnika, stručnih saradnika i osoblja škole,
- Bičakčić Alija, - član iz reda nastavnika, stručnih saradnika i osoblja škole,
- Ćurić Alica, - član iz reda roditelja.

Rješenje stupa na snagu narednog dana od dana objavljivanja u „Službenim novinama Zeničko – dobojskog kantona“ i „Službenim novinama Federacije Bosne i Hercegovine“.

Obrazloženje za 10.-14. tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

10. tačka dnevnog reda

U diskusiji je učestvovao Ministar Ministarstva unutrašnjih poslova.

Vlada je jednoglasno donijela Zaključak kojim se povlači sa rasprave tačka dnevnog reda: - Prijedlog Zaključka o odobravanju sredstava Nairi Jusufović iz Zenice za odbranu magistarskog rada, na prijedlog predlagača.

11. tačka dnevnog reda

Vlada je jednoglasno donijela Zaključak kojim se povlači sa rasprave tačka dnevnog reda: - Prijedlog Zaključka o odobravanju sredstava Nerminu Salkanoviću iz Zenice za odbranu magistarskog rada, na prijedlog predlagača.

12. tačka dnevnog reda

Vlada je jednoglasno donijela Zaključak kojim se povlači sa rasprave tačka dnevnog reda: - Prijedlog Zaključka o odobravanju sredstava Ismaru Begagiću iz Zenice za odbranu magistarskog rada, na prijedlog predlagača.

13. tačka dnevnog reda

Vlada je jednoglasno donijela Zaključak kojim se povlači sa rasprave tačka dnevnog reda: - Prijedlog Zaključka o odobravanju sredstava Suvaduu Kesiću iz Žepča za odbranu magistarskog rada, na prijedlog predlagača.

14. tačka dnevnog reda

Vlada je jednoglasno donijela Zaključak kojim se povlači sa rasprave tačka dnevnog reda: - Prijedlog Zaključka o odobravanju sredstava Belmi Softić iz Visokog za odbranu magistarskog rada, na prijedlog predlagača.

15. tačka dnevnog reda

U diskusiji su učestvovali: Premijer Zeničko-dobojskog kantona i Ministar Ministarstva za pravosuđe i upravu.

Vlada je jednoglasno donijela Zaključak kojim se odobravaju sredstva Krdžalić Ismaru iz Tešnja u iznosu od 2.000,00 KM (slovima: dvijehiljade konvertibilnih maraka), na ime finansijske pomoći za izdavanje svog prvog romana.

Odobrena sredstva iz ovog Zaključka isplatit će se iz Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj 5/12), Ured premijera, razdjel 11, budžetska organizacija 01, potrošačka jedinica 0001, ekonomski kod 614200 (BCD201), pozicija „Transfer za posebno nadarene i talentovane mlade“.

Sredstva uplatiti na transakcijski račun Krdžalić Indire (majke Ismara) iz Tešnja broj: 141 501 00222 45231, otvorenog kod Volksbank dd BH iz Tešnja.

16. tačka dnevnog reda

Vlada je jednoglasno donijela Zaključak kojim se odobravaju sredstva Humatarno-karitativnoj organizaciji franjevačke provincije Bosne Srebrene „Kruh svetog Ante“ iz Sarajeva u

iznosu od 2.000,00 KM (slovima: dvijehiljade konvertibilnih maraka), na ime finansijske podrške u daljem karitativnom radu.

Odobrena sredstva iz ovog Zaključka isplatit će se iz Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj 5/12), Ured premijera, razdjel 11, budžetska organizacija 01, potrošačka jedinica 0001, ekonomski kod 614300, pozicija „Tekući transfer neprofitnim organizacija”“.

Sredstva uplatiti na transakcijski račun HKO „Kruh sv. Ante“ iz Sarajeva broj: 338 320 77000 28983 otvorenog kod UniCredit Zagrebačke banke BiH dd Mostar.

17. tačka dnevnog reda

Vlada je jednoglasno donijela Zaključak kojim se odobravaju sredstva Agenciji za intelektualne usluge „Neimar“ iz Visoko u iznosu od 1.000,00 KM (slovima: jednahiljada konvertibilnih maraka), na ime otkupa 40 komada knjige „Izbavljenje od zablude“ profesora Hilme Neimarlije.

Odobrena sredstva iz ovog Zaključka isplatit će se iz Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj 5/12), Ured premijera, razdjel 11, budžetska organizacija 01, potrošačka jedinica 0001, ekonomski kod 614300, pozicija „Tekući transfer neprofitnim organizacija”.

Sredstva uplatiti na transakcijski račun Agencije za intelektualne usluge „Neimar“ iz Visokog broj: 199 047 005 479 0207 otvorenog kod Sparkase bank dd BiH, filijala Visoko

18. tačka dnevnog reda

Vlada je jednoglasno donijela Zaključak kojim se odobravaju novčana sredstva Savezu društava/udruga pedagoga fizičke kulture Zeničko-dobojskog kantona iz Zenice, u iznosu od 2.000,00 KM (slovima: dvijehiljade konvertibilnih maraka), na ime finansijske pomoći za organizaciju manifestacije „II sportske igre predškolaca – Dan državnosti Bosne i Hercegovine“.

Odobrena sredstva iz ovog Zaključka isplatit će se iz Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj 5/12), Ured premijera, razdjel 11, budžetska organizacija 01, potrošačka jedinica 0001, ekonomski kod 614300, pozicija „Tekući transfer neprofitnim organizacijama”.

Sredstva uplatiti na žiro-račun broj: 161 055 0020 420 084, otvorenog kod Raiffeisen bank BH, Filijala Zenica.

19. tačka dnevnog reda

U diskusiji je učestvovao Ministar Ministarstva za prostorno uređenje, promet i komunikacije i zaštitu okoline.

Vlada je jednoglasno donijela Zaključak kojim se odobravaju sredstva Srpskoj pravoslavnoj crkvenoj opštini i parohiji Zenica iz Zenice u iznosu od 2.000,00 KM (slovima: dvijehiljade konvertibilnih maraka), na ime finansijske pomoći prilikom organizovanja hramovne slave.

Odobrena sredstva iz ovog Zaključka isplatit će se iz Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj 5/12), Ured premijera, razdjel 11, budžetska organizacija 01, potrošačka jedinica 0001, ekonomski kod 614300, pozicija „Tekući transfer neprofitnim organizacijama”.

Sredstva uplatiti na transakcijski račun Srpske pravoslavne crkvene opštine Zenica iz Zenice broj: 161 055 0006 230 051, otvoren kod Raiffeisen bank dd BiH, filijala Zenica.

20. tačka dnevnog reda

Vlada je jednoglasno donijela Zaključak kojim se odobravaju novčana sredstva Udruženju pčelara – poljoprivrednika “Željezni polje” iz Željeznog polja (Žepče), u iznosu od 3.000,00 KM (slovima: trihiljade konvertibilnih maraka), na ime finansijske pomoći za implementaciju projekata koje implementira agencija za međunarodnu saradnju i razvoj „Tika“ iz Turske.

Odobrena sredstva iz ovog Zaključka isplatit će se iz Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj 5/12), Ured premijera, razdjel 11, budžetska organizacija 01, potrošačka jedinica 0001, ekonomski kod 614300, pozicija „Tekući transfer neprofitnim organizacijama”.

Sredstva uplatiti na žiro-račun Udruženja pčelara – poljoprivrednika “Željezni polje” iz Željeznog polja (Žepče), broj: 134 050 000000 9218, otvorenog kod Investiciono-komercijalne banke Zenica, Agencija Žepče.

21. tačka dnevnog reda

Članovi Vlade su dostavom materijala u prilogu, informisani u vezi sa ovom tačkom dnevnog reda.

U diskusiji po pojedinim alinejama ove tačke dnevnog reda učestvovali su: Ministar Ministarstva unutrašnjih poslova i Ministar Ministarstva za privredu.

Premijer Zeničko-dobojskog kantona je zaključio sjednicu u 11²⁰ sati.

SEKRETAR VLADE

Berjana Ačkar

ZAPISNIČAR

Azra Dedić

PREMIJER

mr.sci.Fikret Plevljak dipl.ing.